

آبونه شرائطی

مداجلی، خارجی، هریر ایچون
سنه لکی (۲۵۰)، آلتی آیانی

(۱۳۰) غروشدر.

نسخه سی ۱۰ غروش،

سنه لکی ۵۲ نسخه در

اداره خانه

باب عالی جاده سنده دار و مخصوصه

اخطارات

آبونه بدلی پشیندر

مسلمه موافق آثار مع المنویه

قبول اولنور. درج ایدلمین

بازیر اعاده اولونماز

الکتاب

س ۱۳۳۰

دینی، فلسفی، علمی، ادبی هفته لقی مجموعه اسلامیة در

باش محرر صاحب و مدیر مسئول

اشرف اریب

والله یهدی من یشاء الی صراط مستقیم محمد عاکف

اتبعون اهدکم سبیل الرشاد

قالدقلى ادوار واعصار شماره حرمتدن متباعد، مخلوقاته شفقتدن ذاهل بولوندىقلى زمانلره مصادف اولدوقلىنى پك بليغ بر صورتده ايضاح بويورديلر .

بومقدمات حكيمانه دن صوكره سوزى احوال حاضرده انتقال ايتديره رك بزم دخى سنه لردن برى دوجار اولديغى مصادف متنوعه نك بالخاصه كرك خرب اخيره دخولن، كرك تبعه سنده بریشان برحاله كليشمز شمار اسلاميه مى اهللك نتايج مؤسسه سندن اولديغى درميان ايلديلر . بوخسته لقدن قورنارمق حكومتك ، قورتواقده اهلينك وظيفه سى اولديغى حالده بوجه نك هرايكى طرفجه ده نظر اعتباره آليهاديغى ذكر ايدرك بوندن صوكره فلا كتمزه نهايت ويرمك و بزم ايچون سمادت قاپورى آجيله بيلمك اميديله كرك حكومتك ، كرك اهلينك احكام دينيه به اعتنا ايتلىرى خصوصى كمال اهميته توصيه بويوردقلى كى بومقصدك حصونه باعث اوله يله جك اموردن اولمق اوزره آتيا اجرا اولنه جق انتخابانده اصلا فرقه غيرنى كودميه رك كنديلرينه وكات ايدمك مبعوثلرينى دين و ايمان و احكام دينيه ده علم وعرفان ، صاحب اخلاق و وجدان كيمسه لردن انتخاب ايتيه چالشمه لرينى همان آغلار بر وضع ايله و غايت آجيق بر لسانله بيان وتشریح بيورديلر .

بوموعظه حكيمانه جامع شريفى خنجاخنج طولديران جماعت مسلمين اوزرنده پك بيوك بر تاثير يامشدر . بالخاصه مسلمانلنى فرقه جيلق غيرتلك فوقنده تلقيلرى حقنده كى بيانات عاليه لرى بيك درلوتفرقه لره بارچه لانه يه معروض قالان مسلمانلر اوزرنده عظيم تاثيرلر اجرا ايتشدر . استاد محترم مصطفى حاصم افندى حضرتلرينك بر موعظه ده بايزيد جامع شريفنده ايراد بيورملىرى تمى ايدمى .

دولت اسلاميه نك تعقيب ايتديكى طريق

كنتم خير امة اخرجت للناس
تأسرون بالمرور ونهون عن المنكر

دولت اسلاميه نك بر غايه سى ، برده اوغاييه وصول ايچون بر طريق واردر ؛ اساسلى مراقبه الهيمده بولنان دولت اسلاميه نك تعقيب ايتديكى طريق اك واضح ، اك سالم بر طريق ، غايه سى ده اك كامل بر غايه در . دولت اسلاميه رعايتك دنيا و آخرته مسعود اولمى غايه امل عدايدر ؛ دين اسلام سالكلرينك حياتده تابع اوله جى قواعد اخلاقيه واجتماعيه تعليم ايدر ؛ دين اسلام اوله بر ديندركه يالكز سالكلرينى دكل ، بلكه بتون بى بشر ايچون خير تعقيب ايدر . چونكه بتون نفوس بشريه بى تهذيب ايتكى ، ايم واقوام بشريه بى تربيه ايتكى درعه ده ايدبور ، اخوت عامه بشريه تأسيس ايدبور .

انسانلرك جهلندن دولابى ناضل بوسبتون منتقى اوليويده يالكز تجليسى غائب ايتمش بولنورسه ، دين اسلام ده اوله در . هر كس نه دبرسه ديسون الله بردر و هر شيك خالق مدبرى در . حضرت محمد عليه السلام بو حقيقتى و بو حقيقتك فروعات علميه ، اخلاقيه و عمليه سنى وضع دكل ، نقل وتبليغ وتأييد ايلدى . بشريتك صحنه استفاده سنى قويدى .

دين انبياء سالفه ايله اظهار ايديش ايكى ، ضايع اولمش ، تحولاته تحريفاته اوغرامشدى . منابع علميه سى بوسبتون ضعف كعب ايتمش ايدى . حضرت پيغمبر ايله يكي باشدن طوغدى و بيوك بر انكشافه مظهر اولدى . بيكارلر سندر ساحة نظريانده محفوظاً كيزلنرك بالاخره عالم عملياته قارشان قطوع مخروطيه كى دكل ، بلكه نظريانى بيله غائب ايدمى بالاخره هم نظريانده وهم عملياتده بردن بره تجلى ايدن بر جوق حقايق علميه كى عالمه ظهور وانكشاف كامل ايله انتشار ايلدى . بونك ايچون اسلام هم وجدانه ، هم فكره ، هم حيات بر جوق سرمايه لر ويرمش اولمغه برابر ينه اساسنده بالجملة اديان سناويه ايله متحد ومشارك اولديغى درميان ايتشدر .

محمد حمدى

مهم بر موعظه دينيه

ايمان رئيسى فضل محترم مصطفى حاصم افندى حضرتلى رمضان شريفك اون دردنجى جمعه كونى اران كوينده ذهنى باشا جامنده مهم بر موعظه دينيه ايراد بويورمشلردر . درسك موضوعى « قل هذه سبيل ادعوا الى الله على بصيرة انا ومن اتبعنى » آيت جليله سى ايدى . آيت كريمه نك اجمالاً ترجمه سندن صوكره انبياء عظام حضرتلك وظيفه اساسيه سى انسانلرى الله دعوت اولديغى و بو دعوت بصيرت اوزرينه وقوعه كمش بولونديغى ، اكمل انبيا افندى حضرتلرينك ده بووظيفه جليله بى غايت كلاله اوله رق ايفا بويورمش اولدوقلىنى ايضاح بويورديلر . بعده دينك و عبادتك انسانلر حقنده دنيا و آخرتجه باعث فوز وفلاح اوله جنى ، ازلاً و ابداً غنى عن العالمين اولان ذات اجل واعلانك هيچ كيمسه نك عبادتندن مستفيد ، معصيتندن متضرر اولمى ممكن اولمديغى ، احكام الهيه نك فوائدى تماماً وكلاً عباد طاب اولديغى تفصيل ايلديلر . وتاريخ قديمى برى بتون اقوام و ايمك دنياجه سمادلىرى دخى ، يانت حقه و اخلاق فاضله ايله مترافق اولديغى ، بالخاصه امت اسلاميه هر نه زمان احكام دينيه لرينه رعايته دوجار تقصير اولمشلر سى سيشه سنى چكمش بولوندىقلىنى اندلس تاريخندن مثاللر كتيره رك تشریح ايتديلر . و بو صيره ده هر مؤمنك ولى كامل مرتبه سنده طاعات و عباداته مواظب اوله بيلمى حسب البشريه ميسر الحصول اوله مايه جنى ؛ اصل روح مسئله شمار الهيه حرمت ، مخلوقاته شفقت خصوصلرينه اعتنا و دقت خاطرانه راجع بولونديغى ، بناء عليه ايم اسلاميه نك قحط و غلا ، اعدايه مغلوبيت كى فلاكتلره معروض

شرطی بیان اید بورلر ایسه ده مذهب مختاره کوره بوده شرط دکدر .
امت تناهی و تآمر (بری برینه امر ونهی ایتمک) ایله هیئت
اجتماعیه ده سعادت عمومیه حصوله عمومک قوتیله جالشه نی تکافل
عمومی آلتنه آلتش اولور ، سعادت مادیه و معنویه بی استحصال ایتمک
یگانه طریق مقتضای عقل ایله قواعد طبیعته ، سنن الهیه موافق
حرکت ایتمکدر ، بوا یسه ارشادات قرآنییه امتثالاً اوامر الهیه
اتباع و نواهی سبحانه دن اجتناب ایله حاصل اولور . تناسخ ایله
(افرادینک هر بری دیگرینه نصیحتیه قیام ایله) منکرائک شیعوی
مستحیل اولور ، افراد امت آره سنده معروف و مستقر اولور ،
آره لرنده تفرقه یه بر منفذ قالماز ، دینده اختلاف بیله برطرف اولور .
امت آره سنده تآمر و تناهی اولورسه امت فساد دوجار اولور ،
امت ارتکاب منکرائدن ساکت اولورسه امت اسمندن چیقار ، پارچه
پارچه اولور ؛ آره لرنده جامعه قالماز . چونکه امت افراددن مرکب
بر جماعتدر که آره لرنده بر رابطه ، بروحدت وارد ، مجموعی بر بنیه نک
اعضایی کی در .

امت انجق امر بالمعروف ونهی عن المنکر ایله خیر امت اولور .
صلاح عباد ، صلاح بلاد آنجق امر بالمعروف ، نهی عن المنکر ایله
حاصل اولور . شعار دینه ، حدود الهیه انجق امر بالمعروف ،
نهی عن المنکر ایله اقامه اولور . بر معصیت خفی قایلرسه آنجق صاحبیه
مضرت ویرر ، فقط ظاهر اولورده انکار ونهی اولورنرسه مضرت
عمومه سرایت ایدر .

شوراسی اونودلسونکه دعوت عامیه متصدی اولان ذات دعوت
ایتمدیکی شی ایله متصف اولی ، آمر بالمعروف امری قبول ایتمی ،
ناهی عن المنکر منهی عنهن قاجتملی . یعنی امر و ائتمار ، نهی و انتهای
جمع اولنلیدر :

لأنه عن خلق وتأتی مثله « عار عليك اذا فعلت عظيم .

امر بالمعروف ، نهی عن المنکر رابطه وحدتدر ، جامعه بی حفظ
ایدن ، فرقی منع ایدن امر بالمعروف ونهی عن المنکردر . معروف
عقول و طبایع سلیمه نک مستحسن کوردیکی ، منکر بالمعکس مستقبح
کوردیکی شیدر ، معروف عقلاً و شرعاً ابی اولان ، منکر عقلاً
و شرعاً کوتو اولان شیدر . بوباید مرشد سلامت فطرت ایله برابر
کتاب الله ، سنت رسول الله ، عمل اصحاب رسول الله در . امام احمد
و مسلم و اصحاب سلفنک ابوسعید الخدرین روایت ایتمکدری « من
رآی منکم منکرأ فلیغیره بیده فان لم یستطع فبلسانه فان لم یستطع
فبقلبه و ذلک اضعف الايمان » حدیث شریفی . و چونچه هرکس امر
منکری تغیره قالیغیر ، قدرت و استطاعتی وار ایسه منع و تغیر
ایدر ، مثلاً باغی ، اونی تغیش ایدن بر کیمسه نی کوریر ایسه آنی
تغیر ایتمک واجب الور ؛ النبدن کلرسه ذیلی ایله تغیر ایدر ، بویکمه یه
وعظ و نصیحتده بولور ، حتی حاکمه یسه مراجعت ایدر ؛ النبدن

دولت اسلامیه ناسی خیره دعوت ایدر . انبیا بشری خیره سوق
ایدر ، حکمها خیر آرار ؛ قرآن خیره دعوت ایدر ؛ میزان خیری
توصیه ایدر . خیره دعوت ایچون ایشلمه نی لایق اولان ایشی فعله ،
بالمعکس ایشلمه نی لایق اولمان ایشی ترکه ترغیب ایله حاصل اولور .
بوکا مبنی دولت اسلامیه تعقیب ایتمدیکی غایه واصل اولق ایچون
انجق امر بالمعروف ، نهی عن المنکر طریقته سلوک ایدور . امت
محمدیه نک خاصه سی امر بالمعروف ، نهی عن المنکرده دیگر امتدن
حالا اقوی اولق در . امر بالمعروف ، نهی عن المنکرده اسالاس
مخافه الله در . هر ایولاک الله قورقوسندن طوغار ، دنیانک نظامی الله
قورقوسی ایله در ، معروفی امر ایدن ذات الله دن قورقارده امر ایدر ،
منکری نهی ایدن ذات الله دن قورقارده نهی ایدر ، الله دن قورقان
حقندن آریله مز .

معروفی امر ، منکری نهی ایدن ذاتک اول باول معروف و منکری
بیسلمی ، خیری شردن آیرمسی شرطدر ، یوخسه امت ناطله دعوت
اولور ، امتدن معروف نهی اولور ، امته منکر امر اولور ، اراق
مقصد الدن کیدر ، سعاده بدل فلاکت حاصل اولور . بوندن طولانی
امر بالمعروف ، نهی عن المنکر معروف و منکری بیان ذاته مودوع اولور .
امر بالمعروف ، نهی عن المنکر هر امته ، هر مکلفه فرضدر . حتی
فرضیتی حجک فرضیتدن ده مؤکددر و امر بالمعروف ، نهی عن المنکر
جهاددر ، حتی جهاددن افضلدر ؛ حال جهادده فصل سیفدن قورقیلمرسه
امر بالمعروف ونهی عن المنکرده مکاره و مخاوفدن قورقیلمز ، منکرائی
کورن نهی ایدر . بشقه سنه منتظر اولماز . سنت انبیا بودر ، سنت
سلف صالحین بودر . خیر و شری ، معروف و منکری تمیز ایدن هر
مسلم ناسی خیره دعوت ایدر ، معروفی امر ایدر ، منکری نهی ایدر .
« کانوا لا یتناهون عن منکر الایة » نظم جلیلک ظاهری بوکادلات
ایدر . چونکه قرآن مبینده ام سالفیه طائد اولان اخبار و قصص
انجق انلردن عبرت المقلغمز مقصدیه بیان بیورلمشدر . دقت اولنسون
کوریلیرکه آیات جلیلده اخبار و قصصک هانکی طرفی عبرت آمیز
ایسه انجق او طرف ذکر اولور ، یوقسه تاریخ کتابی کی بر وقعه
تامیله ایضاح اولونماز .

نظم جلیل مذکور یکدیگر لرینی ایشلمش اولدقلری منکرائدن نهی
ایتمک لرندن طولانی بی اسرائیل حقنده « نه کوتو ایش ایشلمش لر
ایدی ا » بیوربور . ذاتاً فعل بی دن ، فعل اصحاب بی دنده استفاد
اولان بودر . حتی بوباید اصحاب کرام اذن اولمسرین امر ونهیده
بولورلر ایدی ، بو حال آره لرنده شایع ایدی ، انلردن بر انکارده
واقع اولمیش ایدی . ا کلا شیلیورکه امر بالمعروف ، نهی عن المنکرده
ولی الامر دن اذنده شرط دکدر . شو قدرکه امر بالمعروف ، نهی
عن المنکر فتنه بی مؤدی اولور ایسه مندوب اولماز ، حرام بیله اولور ،
فی الواقع بمضاری امر بالمعروف ، نهی عن المنکرده « امن علی النفس »

هیچ برشی کز سه فاعله بغض ایدر ، فعل منکر دن راضی اولماز . امر بالمعروف ، نهی عن المنکر اهمیتی ایشته بوندن ناشیدر . شیوع منکرات امتک بادی تهلک سیدر :

«واتقوا فتنة لا تصيبن الذين ظلموا منكم خاصة» .

جناب حقل امته واجب قیلدینی امر بالمعروف ، نهی عن المنکر آنجیق قوت و امارت ایله تام اولور ؛ چونکه بالفعل ازاله ایدمه جک اولان آمر و ناهی حکومندر ، تشکیک واجب اولان جهاد ، عدل ، مظلومه نصرت ، حدودی اقامه ، احیی اقامه ، صلاة جمعه و عیدی اقامه ده آنجیق قوت و امارت ایله تام اولور . بوکا مبنی «السلطان ظل الله فی الارض» اثری وارد اولمشدر . حتی «سلطان جابر ایله آلتش سنه بولونقی برکجه سلطاننیز بولومدن اصلحدر» بیله دینلمشدر . شمدی به قدر درلو درلو ظهور ایدن حادثات اجتماعیه بی تجربه و تدقیق ایدنلر بوسوزی تصدیق ایدرلر ظن ایدرم . فضیل بن عیاض ، احمد بن محمد بن حنبل و سائر کئی سلف امت بوندن ناشی «بزم قبول اولنه جق بر دعامن اولسیدی سلطان دعا ایدر ایدک» دیمشدر ایدی .

ولی الامر آنجیق امر بالمعروف ، نهی عن المنکر ایچون نصب اولومشدر ، ولایتدن ، حکومندن ، امارتدن مقصوده بودر . ولی الامر الله اطاعت ، الدن کلدیکی قدر مصالح عبادی رؤیت قصد ایتلیدر ، ولی الامر فرائض دینه ، صدق ، امانت ، بروالدن ، صلوة رحم ، حسن معاشرت ... الخ کی معروفی امر ایدر ، مجمع علیه اولان محرمات ظاهره بی ، غش ، کذب ، خیانت ، یول کسمک ، غصب و فارتیه قالمیشمق ، ملکتمده آسایشی اخلال ایتک ، بفساد چیقارمق .. الخ کی مفساد اجتماعیه بی ؛ نکاحی شرعاً جائز اولمان قادی نی نکاح ایتک ، مدتری واجب اولان اعضایی ستم ایتماک ، ... الخ کی نسل و مرضه طائد اولان مفسدنی ، خلاصه بتون منکراتی منع ایدر . ترک واجباتدن طولانی ، فعل محرماتدن طولانی فاعلارنی عقوبته دوچار ایدر ، حتی منع فساد ایچون ؛ اقامه حدوده تمکن و اقتدار ایچون زمره مفسدیه قارشو قناده بیله بولنور .

امر بالمعروف و نهی عن المنکر تدریجی در . بوباید قاعده «الا رفق قاله رفق» دن باشلایهرق «الا غلط فالأغلط» . قدر واریر ؛ موعظه و نصیحتدن باشلانیر ، تهدیده ، حبسه و سائر عقوبات قدر واریلیر .

الحاصل ولی الامر منکراتک شیوعنه اصلاح مساعده ایتز . مجرد نهی عن المنکر مقصود اولقله شکلی رفع و ازاله ده مصلحته رعایت ایدر ، درایت و نفوذ نظریته کوره معامله ایدر . صدق ایله ، وقتاً بعد وقت بلادده تعاملك اختلافنه کوره اقوال فقهایه اتباع ایله دینی ، عقلی ، عرضی ، دمی ، مالی صیانت ایدر .

دین آنجیق امارت ، ولایت امر ایله قائم اولور ، دین اسلام آنجیق دولت اسلامیته کئی قاسمی ایله قائم دولت اسلامیته کئی انقراضی ایله

منقرض اولور . صلاح دین و دنیا ایچون الزم اولان مصالح و مقاصد شرعیه آنجیق جمعیت ایله تام اولور . مرجعیت ایچون برپاش بولونقی ضروریدر . ابو داودک تخریج ایتدیک بر حدیث شریف موجهیجه امام الحکام ، سید الانام افندمن حضرتلری «اوج کئی بر سفره چیقارسه ایچلرندن برنی امیر قیلسونلر» بیوریور ، سفر اشناسنده کی اوفه جق بر جمعیتده برینک امیر قیلنمننی امر ایدن نبی ذیشان بونکله سائر انواع اجتماعیه ده بر امیره تنبیه ایتن اولیور . باشمنانی ، آفارشیتلکی کوکندن قوبارییور .

امارت واجبات دینیته کئی بیوکلر ننددر . ولایت امر ، امارت امر دینی در ، اولیله بر ایتدیرکه آنکله الله تقرب اولنور . رسول الله طاعت ایله برابر قربت امارت افضل قرباندر . نه چاره که بر جوق کیمسه اربک مجرد ریاسته و یا ماله و یا شهرته اولان احتراصلری دینلرنی افساد ایدیور ، رؤسای امور رؤسای مفسدین اولیور .

دنیا ده الکو تو ولایت ، الکو تو حکومت حکومت فرعونیه در ؛ ان فرعون علاقی الارض و جعل اهلها شیعا يستضعف طائفة منهم بذبج ابناهم ويستحيي نساءهم انه كان من المفسدين ، نظم کریمی موجهیجه فرعون مصرده خلقی حقیر کوریر ، خلقه جبروت و عظمتده بولنور ؛ واهالی بی تفرقه به دوشوروب بر قسمنی زبون و مقهور ایدر ؛ اربک جوجقلری بوغازلار ؛ قایللری آلیفور ایدی ، چونکه مفسدیندن ایدی . آرتق تبعه منی استحقار ایدن ، تبعه سنه قارشو تحکمه قالدیشان ، کبر و عظمتده بولنن ، تبعه منی تفرقه به دوچار ایدن ، اولدیرن ، تبعه سنه ظلم و غدر ایدن بر حکومت حاشا حکومت اسلامیته دکل ، حکومت فرعونیه اولمش اولور . «جریده علیه»

ازمیری

اسماعیل حق



مسلمانلر نه دن کری قالدیلر و نیچون ایلر یله یه میبورلر ؟

بر مسئله که بوکون کره ارض اوزرنده موجود بتون مسلمانلری هروقت کندن زیاده اشغال و ازجاج ایتکده در . و ایتیمی لازیکلیر . واقعا بومسئله یالکنز بوکونک مسئله سی دکلدر .

عصر لر دینبری از یجیق دوشونجه سی اولانلری درین درین دوشو . ندور مکده ایدی . فقط بوکون آرتق الک حاد بر دوره سنه کیرمش بولونمکده در . چونکه عالم اسلامک الک بیوک قسمنی تشکیل ایدن پرلرده مسلمانلرک چوغی خلافت عظمای اسلامیته حقننده بیوک امیدلر پرورده ایتکده ایدیلر . بز اولنلرک دائما مدار افتخار و وسیله نجات و فلاح اوله جق امید کاهی ایدک . فقط صوک و قهرلر مسئله بی بتون عربانلغیه میخانه چیقاردیغندن اوامید ایله یاشایان مسلمانلرده شیمیدی زهراب اضطرارک الک مدهنی اولان انکسار امید و خیال عذابنه دوشمش